

Сирдарё вилоятини ижтимоий-иқтисодий ривожлантириш бўйича 2023 йил якунлари ҳамда 2024 йил вазифалар тўғрисида ҲИСОБОТ

Давлатимиз Раҳбари бошчилигида охириги йилларда халқимизни ижтимоий қўллаб-қувватлаш мақсадида катта маблағлар ажратилиб, тадбиркорларимизга зарур шарт-шароитлар яратилди ва жуда катта имтиёзлар берилди.

Давлатимиз раҳбарининг узоқни кўра билишлиги, оқилона сиёсатлари туфайли 2023 йилни **“Инсонга эътибор ва сифатли таълим йили”** деб номланиши ва шу асосда иш юритилганлиги натижасида иқтисодиётимиз барқарорлиги таъминланди ҳамда йилни ижобий якунлаш имкониятига эга бўлдик.

Юртбошимизни яратиб берган шарт-шароитлари, ҳар бир дастурлар **“маҳаллабай”** ишлаб чиқилгани, ишни тизимли режа тартиб асосида йўлга қўйганлигимиз, шунингдек, Давлатимиз раҳбари томонидан 2023 йил 11 сентябрдаги **“Ўзбекистон – 2030”** стратегиясини 2023 йилда сифатли ва ўз вақтида амалга ошириш чора-тадбирлари тўғрисида” ПҚ-300 сонли қарорида кўрсатиб ўтилган вазифалар ижроси таъминланиши натижасида вилоятимиз ижтимоий-иқтисодий жиҳатдан барча кўрсаткичлар бўйича 2023 йилни ижобий якунлади.

Рухсатларингиз билан вилоятимизда ўтган йилда барча соҳаларда эришилган натижалар ҳамда 2024 йилда вилоятимизни ижтимоий-иқтисодий ривожлантириш бўйича олдимизда турган долзарб вазифаларга тўхталиб ўтмоқчиман.

Хусусан, 2023 йилда ялпи ҳудудий маҳсулот ҳажми **21,5 трлн.сўм**ни ташкил этиб 2022 йилга нисбатан **105,9 фоиз**га (аҳоли жон бошига **23,8 млн сўм**ни ташкил этди, 2022 йилга нисбатан ўсиш **103,8 фоиз**) ўсди.

саноат маҳсулотлари ҳажми **15,2 трлн сўм** (**107,1 фоиз**), қишлоқ хўжалиги **14,7 трлн. сўм** (**106,4 фоиз**), асосий капиталга киритилган инвестициялар **15,3 трлн.сўм** (**113,9 фоиз**), қурилиш пудрат ишлари **3,9 трлн сўм** (**107,9 фоиз**), хизматлар **6,1 трлн сўмни** (**110,9 фоиз**) ташкил этди.

Вилоятда 2023 йилда бандликни таъминлаш дастурлари ва бошқа тадбирлар асосида **135,8 минг нафар** аҳоли бандлиги таъминланди.

2023 йилда вилоят **маҳаллий бюджети даромадлар** режаси **1,1 трлн сўм** миқдорида белгиланган бўлиб, йил якуни билан

1,2 трлн сўмга (109,6 фоиз) ёки бюджетга **109,2 млрд сўм** маблағлар ортиғи билан таъминланади. Бу кўрсаткич 2022 йилга нисбатан **120 фоизга** ўсди ёки **263,0 млрд сўмга** ошди.

2023 йил якуни билан вилоят маҳаллий бюджетининг қўшимча манбалари ҳисобидан, “Ёшлар дафтари” жамғармасига **20,8 млрд сўм**, “Аёллар дафтари” жамғармасига **17,6 млрд сўм**, Ташаббусли бюджет жамғармасига **16,3 млрд сўм** маблағ ажратилди.

Шунингдек, ижтимоий-иқтисодий ривожлантириш дастури доирасида саноат, хизмат кўрсатиш ва сервис ҳамда қишлоқ хўжалиги йўналишларида қиймати **404 млн.долларлик 948** та лойиҳалар амалга оширилиши натижасида **16 минга** яқин янги иш ўринлари яратилди. 2023 йил давомида **556 млн.доллари** миқдорида хорижий инвестициялар ўзлаштирилди.

Вилоятда жами **333,2 млн.долларлик** маҳсулотлар экспорти амалга оширилди бу кўрсаткич 2022 йилга нисбатан **101,7 фоизни** ташкил этди.

Ушбу тадбирларни амалга оширишда Давлатимиз Раҳбарининг 2023 йил вилоятимизга ташрифи доирасида “**Вилоятимизни илғор инновацион ҳудудга айлантириш**” бўйича берган топшириқлари натижасида вилоятимиз ҳамда Хитой Халқ Республикаси провинциялари билан ўзаро ҳамкорлик янги босқичга чиқди.

Хусусан, алоқаларни янада мустаҳкамлаш мақсадида Сирдарё вилояти Хитойнинг **Шэньси, Чжэцзян, Хубэй** провинциялари, **Шинжон Уйғур мухтор райони, Тяньцзинь** шаҳарлари билан инвестициявий, савдо-иқтисодий, гуманитар ва қишлоқ хўжалигида ҳамкорликларни амалга ошириш бўйича яқин алоқалар ўрнатди.

Хитойга ташрифлар доирасида Пекин, Тяньцзин, Сиян, Сямынь, Урумчи, Ханджоу, Янлин шаҳарларида савдо-иқтисодий ва инвестициявий бизнес-форумлар ўтказилди ва Сирдарё вилоятининг имконият ва салоҳиятлари намойиш этилди.

Жумладан, 2023 йилнинг февраль ойида Шыньси провинциясига ташриф давомида савдо-иқтисодий, гуманитар ва қишлоқ хўжалигида ҳамкорликни йўлга қўйиш бўйича ишлар янги босқичга кўтарилиб Шыньси провинцияси ва Сирдарё ўртасида **ҳамкорлик келишуви** имзоланди.

2023 йилнинг 24-25-июнь кунлари Хитой компаниялари делегациясининг Сирдарё вилоятига ташрифи ташкил этилди ва “Ўзбекистон Хитой ҳамкорлик бизнес Форуми” ўтказилди.

Форумда Хитойнинг **170 дан ортиқ**, хусусан “Huawei”, “TBCIE”, “CCSeven”, “Longi Solar”, “China CAMC Engineering”, “Chaowei Holding Limited”, “Xinjiang Zhuoshy Industrial Group”, “Shenzhen Zhongyi Group” каби етакчи компанияларининг **250 дан ортиқ** вакиллари иштирок этишди.

Сирдарё вилоятидаги қатор ишлаб чиқариш объектларига ташриф уюштирилди, Ўзбекистон – Хитой бизнес форуми, саноат кўргазмаси, шунингдек, “B2B” ва “G2B” учрашувлари ўтказилди.

Ўтган йилда Сирдарё вилоятида Хитой Халқ Республикаси инвесторлари билан 2023-2025 йилларга мўлжалланган умумий қиймати **2,1 млрд доллар** бўлган **64 та** янги лойиҳалар ишлаб чиқилди. Хитой инвесторлари билан белгилаб олинган лойиҳаларни амалга оширилиши натижасида вилоятимизда янги **4665 та** янги иш ўринлари яратилиши белгиланди.

Шундан, 2023 йилда умумий қиймати **415 млн доллар** бўлган **6 таси** ишга туширилди.

Мисол учун, вилоятимиз тарихида биринчи бор Сирдарё туманида Хитойнинг “EXEED” компанияси ҳамда “Asaka Motors International” масъулияти чекланган жамияти билан ҳамкорликда лойиҳа қиймати **390,0 млн.долларлик** “EXEED” автомобиллари ишлаб чиқариш йўлга қўйилди.

Ушбу корхона тўлиқ қувватда ишлагандан сўнг йилига **115 минг дона** автомобил ишлаб чиқарилади ва 2026 йилга келиб маҳаллийлаштириш даражаси **55 фоизга** етказилади ҳамда **5 500 та** янги иш ўринлари яратилади.

Бундан ташқари, умумий қиймати **172 млн доллар** бўлган **15 та** лойиҳада **қурилиш ишлари фаол давом эттирилмоқда.**

Умумий қиймати **85 млн доллар** бўлган **11 та** лойиҳадаги ҳамкор инвесторларга лойиҳани амалга ошириш учун **бино, иншоотлар ва ер майдонлари** белгиланган тартиблар асосида **аукцион орқали сотиб олинди** ва лойиҳани техник иқтисодий асослари тайёрланмоқда.

Мазкур тадбирлар жорий йилда ҳам давом эттирилмоқда. Хусусан, жорий йил 17-25 январь кунлари вилоят делегацияси Хитой Халқ Республикасига хизмат сафарда бўлди.

Хизмат сафари давомида **Чжецзянь** провинциясида **21 та** йирик инвесторлар иштирокида, **Шинжон-Уйғур Автоном Районида** **36 та** йирик инвесторлар ва **Шэнчжен** провинциясида жами **28 та** йирик инвесторлар иштирокида **бизнес форумлар** ўтказилди.

Шунингдек, Шинжон-Уйғур Автоном Райони “Урумчи Эркин савдо ҳудуди” ва технопарклари ҳамда йирик корхоналарга ташрифи амалга оширилди.

Сирдарё вилояти делегацияси **Шинжон-Уйғур Автоном Райони “Кўргазма маркази”**да бўлиб ўтган “MADE IN UZBEKISTAN” ҳудудлараро кўргазмасида вилоятимиздан ташриф буюрган **65** нафар тадбиркорларимиз маҳсулотлари билан иштирок этди.

Халқаро аҳамиятга эга тадбир давомида **B2B, G2B** ҳамда **G2G** тарзида хитойлик тадбиркорлар билан музокаралар олиб борилди.

Шинжон-Уйғур Автоном Райони Қошғар ҳудуди билан **Ховос** тумани, **Боле** шаҳри билан **Гулистон** туман ва **Усу** ҳудуди билан **Мирзаобод** туманларимиз ҳамкорлик алоқаларини ўрнатилди.

Мазкур ташрифга тайёргарлик жараёнида **дастлаб** қиймати **1 млрд 42 миллион** АҚШ долларлик **16** та инвестиция келишувларига эришилган бўлса ташриф давомида ўтказилган музокаралар натижасида бу рақамимиз умумий қиймати **2 млрд 507,0 миллион** АҚШ долларлик **101** та инвестиция келишувларига эришилди.

Натижада 2023 йилдаги лойиҳаларни ҳисобга олган ҳолда ҳозирги кунда Хитой корхоналари билан амалга оширилаётган лойиҳаларимизни умумий қиймати **4 млрд 43,0 миллион** АҚШ долларлик **118** та инвестиция келишувни ташкил этмоқда.

Эришилган келишувлар бўйича лойиҳабай “**йўл харитаси**” ишлаб чиқилди.

Ҳурматли сессия иштирокчилари!

2023 йилда вилоятда миришкор дехқонларимиз томонидан пахта ҳосилдорлик **38 центнерга**, ғалла етиштиришда ҳосилдорлик **72,1 центнерга** етказилди.

Шунингдек, озиқ-овқат хавфсизлигини таъминлаш мақсадида 539,8 минг тонна (104,7%), сабзавотлар **316,3 минг тонна** (107,6%), полиз **300,1 минг тонна** (107,5%), мевалар **45,7 минг тонна** (104,0%), узум **15,0 минг тонна** (103,3%), гўшт **73,9 минг тонна** (104,8%), сут **403,4 минг тонна** (105,2%), тухум **202,1 минг дона** (107,6%) маҳсулотлар ишлаб чиқарилди.

Бу эса аҳолини асосий турдаги қишлоқ хўжалиги ва озиқ-овқат маҳсулотлари билан таъминлашга имкон яратди.

Бундан ташқари, сув тежовчи технологияларни жорий қилишда 2023 йилда **38 минг 681 гектар** (шундан томчилатиб суғориш **2 минг 590 гектар**, ёмғирлатиб суғориш **1 005 гектар**,

пахта майдонларида дискрет суғориш **3 070 гектар**, эгатга плёнка тўшаб суғориш **2 005 гектар**, ҳамда ерларни лазерли текислаш **30 минг 11 гектар**) қишлоқ хўжалиги экин майдонларида замонавий сув тежовчи технологиялари жорий қилинди.

Вилоятимизда қурилиш соҳасида ҳам 2023 йилда бир қатор бунёдкорлик ишлари амалга оширилди.

Асосий тадбирлар аҳолининг кенг норозилиklarига сабаб бўлаётган бир неча йил давомида тўпланиб қолган масалаларни ҳал этишга қаратилди.

Хусусан, 623,5 млрд сўм маблағ ҳисобига жами **498 км** умумфойдаланувдаги йўллар ва **290 км** ички хўжалик йўллари таъмирланди, **262,2 км** ички йўллар шағаллаштирилди ҳамда **20 дона** кўприклар реконструкция қилинди бу кўрсаткич ўтган йилга нисбатан **1,5 баробарга** ортди.

Ичимлик суви билан таъминлаш бўйича 335,7 млрд сўм маблағ ҳисобига жами **383 км** ичимлик суви ва оқова сув тармоқлари ҳамда **124 та** сув иншоотлари қурилди ҳамда реконструкция қилинди.

Мисол учун, Мирзаобод тумани “Нурафшон” маҳалласида 5,0 км ичимлик сув тармоғи ва бир дона ичимлик суви иншоот реконструкция қилинди ҳамда бир дона иншоот янгидан қурилди ушбу ишлар натижасида 1 100 нафар аҳоли ичимлик суви билан таъминланди

Аҳолини ичимлик суви билан қамров даражаси 2023 йил 1 январь ҳолатига **85 фоиз** бўлиб, йил якуни билан **87 фоизни** ташкил этди.

Электр-энергия бўйича 27,8 млрд сўм маблағ ҳисобига **5 104 дона** темир-бетон устунлар, **285 км** электр узатиш линиялари ва **124 дона** трансформатор пунктлари ўрнатилди ва реконструкция қилинди.

Табиий газ бўйича 6,4 млрд сўм маблағ ҳисобига **77,2 км метр** юқори босимли ва ўрта газ қувурлари монтаж қилинди.

Шунингдек, “Обод маҳалла, Обод кўча, Обод хонадон” дастури доирасида Ховос тумани “Оқчангал”, Сайхунобод тумани “Янги ҳаёт”, Оқолтин тумани “Мустақиллик” ҳамда Гулистон тумани “Иноқлик” маҳаллаларида бунёдкорлик,

ободонлаштириш ва кўкаламзорлаштириш ишлари амалга оширилди, тадбирларга **50 млрд сўмга** яқин маблағ ажратилди.

Бундан ташқари, 7 та умумтаълим (Гулистон шаҳар "Янги ҳаёт" МФЙдаги 17-мактаб, Гулистон тумани "Зарбдор" МФЙдаги 28-мактаб, Мирзаобод тумани "Дўнгарик" МФЙдаги 33-мактаб, Боёвут тумани "Анорзор" МФЙдаги 43-мактаб, Боёвут тумани "Миришкор" МФЙдаги 30-мактаб, Ховос тумани "Дўстлик" МФЙдаги 1-мактаб) мактабларда қурилиш ишлари якунланди.

Шунингдек, **2 та** мактабгача (Мирзаобод тумани "Боғистон" МФЙдаги 2-сонли МТТ, Гулистон тумани "Тажрибакор" МФЙдаги 5-сонли) таълим объектлари фойдаланишга топширилди.

2023 йилда вилоят бўйича жами **50 та 1 951 хонадонли** кўп қаватли уй-жойлар, шундан "Янги Ўзбекистон" массивида **17 та 340 хонадонли** ҳамда **уй-жой талаби юқори** бўлган ҳудудларда **33 та 1 611 хонадонли** кўп қаватли уйлар қурилиб фойдаланишга топширилди ҳамда уй жой сотиб олиш учун **450 фуқарога 14,4 млрд сўмлик** дастлабки бадал учун субсидия маблағлари тўлаб берилди.

Умуман олганда вилоятимизга 2023 йилда қурилиш таъмирлаш ишлари учун республика бюджетидан **1,4 трлн. сўм** маблағ ажратилди.

Ичимлик сувига 335,7 млрд сўм, автомобиль ва ички йўлар бўйича 623,5 млрд сўм, Электр-энергия бўйича 27,8 млрд сўм, табиий газ бўйича 6,4 млрд сўм маблағ, ижтимоий соҳа бўйича 143,8 млрд сўм, бошқа объектлар бўйича 247,3 млрд сўмни ташкил этади

Яна бир муҳим масала, Давлатимиз раҳбарининг 2021 йил 30 декабрдаги "Республикада кўкаламзорлаштириш ишларини жадаллаштириш, дарахтлар муҳофазасини янада самарали ташкил этиш чора-тадбирлари тўғрисида"ги **ПФ-46-сонли фармонига** асосан, вилоятда **"Яшил макон"** умуммиллий лойиҳаси доирасида 2023 йилнинг баҳор ва куз мавсумида жами **14 млн дона** дарахт ва бута кўчатлари ҳамда қаламчалар экилиши режалаштирилган бўлиб, амалда жами **14 млн 772 минг дона** (100%) мевали, манзарали дарахт ва бута кўчатлари экилди.

Вилоятда "яшил боғлар"ни барпо этиш бўйича 2023-йил давомида жами **21,4 гектар** ер майдонида **"Яшил боғлар"** ҳамда **61,1 гектар** майдонда **"Яшил жамоат парклари"** ташкил этилиб, уларга **63 мингдан** ортиқ кўчатлар экилган.

Маҳаллий ҳокимликлар ва ташаббускор ҳомийлар томонидан **36,8 гектар** ер майдонларида **"Яшил жамоат парки"** барпо этилди.

Азиз дўстлар!

Бугунги кунда фарзандларимизни сифатли таълим ва тиббиёт билан таъминлаш барчамизнинг асосий вазифамиз бўлиши лозим. Эртанги кунимиз бўлган ёшларни бугундан қўллаб-қувватлашимиз уларга ўрнатилган бўлишимиз керак. Бунда оиладаги, мактабдаги муҳит муҳим ўрин тутди.

2023 йилда ҳам мактабгача ва мактаб таълимига алоҳида эътибор қаратилди.

Бугунги кунда вилоятда мактабгача таълим ташкилотлари жами **1 074 тани** шундан, **203 таси** давлат мактабгача таълим ташкилоти (*тарбияланувчилар 41 582 нафар*), **42 таси** давлат хусусий шериклик асосидаги мактабгача таълим ташкилотлари (*6 635 нафар*) ҳамда **852 таси** оилавий нодавлат мактабгача таълим ташкилотини (*30 319 нафар*) ташкил этади.

Шунингдек, **314 та** умумтаълим мактаблари **10 та** ихтисослаштирилган мактаб ва мактаб-интернатларида, Президент ва Х.Худойбердиева номидаги ижод мактаблари ҳамда **11 та** хусусий мактабларда **156 мингдан** ортиқ ўқувчилар таълим олмоқда.

Мактабларни моддий техник базасини мустаҳкамлаш мақсадида Хитой гранди лойиҳаси асосида **21 та** мактабга **1 тўпладан (15+1 жами 336 дона)** компьютер техникалари олиб келинди

Ҳомийликлар ҳисобидан **4 та** мактабга **50 дона** ва **12 та** мактабга **84 дона** замонавий компьютер жамланмаси топширилди.

“Ташаббусли бюджет” дастури доирасида **65 дона** компьютер жамланмалари, принтер, кузатув камералари, радио узел ускуналари харид қилиниб фойдаланишга топширилди. **50 та** мактабга интерактив доска, чекка ҳудудларда жойлашган **40 та** мактабга смарт телевизорлари харид қилиниб, фойдаланишга топширилди

2022-2023 ўқув йилида **8 688 нафар** битирувчилар **48 фоиз** олий таълим муассасасига қамраб олинган.

(Шунингдек, *4499 нафар битирувчиларнинг 581 нафари коллеж ва техникумларга, ўқишни давом эттиришмоқда. 1025 нафари бошқа таълим шаклларига (мономарказлар ва хусусий ўқув марказларига) жалб этилади. 3918 нафар битирувчиларимиз эса бевосита банд бўлиб турли соҳаларда меҳнат қилиш ва ўз-ўзини банд қилган*)

“**Зўр класс**” лойиҳаси асосида **6 нафар** Россиядан ўқитувчилар, шунингдек **2 нафар** физика ва математика фанлари бўйича хорижлик ўқитувчилар келишган бўлиб, маҳаллий ҳокимликлар томонидан уй-жойлар билан таъминланган.

Инглиз тили ўқитувчилари **457 нафар (41%)** миллий ва халқаро сертификатга эга бўлишди.

Бугунги кунда профессионал таълим муассасалари ўқувчиларининг ўқишини **дуал таълим (4+2)** асосида ташкил этиш ўзининг ижобий самарасини бермоқда. Биргина 2022 йилда **6** та профессионал таълим муассасасида ўқитишнинг дуал таълим шакли ташкил этилган бўлса, 2023 йилга келиб бу кўрсаткич **13 та** профессионал таълим муассасасида ташкил этилишига эришилди (**115 фоизга ошди**).

Профессионал таълим тизимида хорижий тилларни оммалаштириш бўйича Германиянинг “ГФМ Группе” ташкилоти талабига биноан **3 та** тиббиёт техникумларида жами **73 нафар** ўқувчилар учун немис тили курслари ташкил қилинди.

Соғлиқни сақлаш тизимида амалга оширилган ишлар

Вилоятда охириги 5 йилда хусусий тиббиёт муассасалар сони (**2018 йил 77 та 2023 йилда 141 та**) **64 тага** кўпайди.

Шунингдек, 2023 йилда **12 та** хусусий клиникалар янгидан ташкил этилган бўлиб, ҳозирги кунга келиб, вилоятда жами хусусий тиббиёт муассасалар сони **141 тага** етди.

Ушбу муассасаларда **322 нафар** шифокорлар, **415 нафар** ҳамширалар ва **274 нафар** бошқа ходимлар жами **1 011 нафар** ходимлар фаолият юритмоқда.

Вилоятда фаолият олиб бораётган хусусий тиббиёт муассасалари томонидан ҳозирги кунгача, замонавий тиббий асбоб-ускуналари билан таъминланган.

Бундан ташқари, Сирдарё туман (Янгиобод), Боёвут туман (Гулистон, 1-Боёвут 2-бўлим (Бобоюрт), Гулистон туман (Чортоқ) ҳамда Ховос туман (Фарход-3) оилавий шифокорлик пунктлари ташкил этилди.

Вилоятдаги шаҳар ва туман тиббиёт бирлашмалари бирламчи тиббий-санитария ёрдами муассасасига бириктирилган 40 ёшдан ошган беморларнинг қандли диабет ва диабет олди ҳолати скринингини ўтказиш бўйича тармоқ режа тасдиқланиб мазкур тасдиқланган тармоқ режаси асосида жами **267 минг 460 нафар** 40 ёшдан ошганларда қандли диабет ва диабет олди ҳолати бўйича скрининги ўтказилди.

Ёшлар билан ишлаш

Вилоятимизда “Ёшлар баланси” асосида **7 минг 275 нафар** “оғир” тоифадаги ёшлар **298 нафар** раҳбарларга **НОММА-НОМ** бириктирилди.

Бириктирилган масъуллар томонидан ҳар ойда **2 мартабадан** учрашувлар ўтказилиб, учрашувлар давомида **6 388 нафар** ёшларнинг муаммолари аниқланиб, **6 369 нафарининг (99,7%)** муаммолари ҳал этилди.

Ҳар бир маҳаллада “фуқаробай” тасдиқланган “**Ёшлар бандлиги дастури**” амалга оширилиб, 2023 йилда дастурга киритилган **6 279 нафар (97,3 фоиз)** ишсиз ёшлар ва **4 326 нафар (93,7 фоиз)** меҳнат бозорига кириб келган мактаб битирувчилари бандлиги таъминланди.

2023 йилда ижтимоий-иқтисодий ҳимояга мухтож **17 875 нафар** ёшлар “Ёшлар дафтари”га киритилган (жами ёшларга нисбатан **8,5 фоиз) 15 815 нафарига (88,4%)** ёрдам кўрсатилди.

2023 йил “Беш ташаббус олимпиадаси” доирасидаги лойиҳаларда иштирок этиш учун **5 tashabbus.uz** сайти орқали электрон рўйхатдан ўтиб, иштирок этган ёшлар сони вилоят бўйича **126 минг 311 нафар** бўлиб, вилоятдаги 14-30 ёшлар сонига нисбатан **57,1 фоизни** ташкил этди.

Шунингдек, “Аёллар дафтари” бўйича ташкил этилган ишчи гуруҳлар томонидан барча ҳудудларда жами **178 698 минг нафар** аёллар ўрганилиб, шундан **24 068 минг нафари** “Аёллар дафтари”га киритилди.

“Аёллар дафтари”га киритилган **9 768 нафарининг** бандлиги таъминланди. Боқувчисини йўқотган **3 732 нафар** эҳтиёжманд хотин-қизларга **4,5 млрд** сўмлик моддий ёрдамлар кўрсатилди.

Уй-жойини таъмирлашга мухтож 1-гуруҳ ногиронлиги бўлган **195 нафар** аёлларнинг уй-жойлари таъмирлаб берилди. **7 514 нафар** хотин-қизларга моддий ёрдам кўрсатилган бўлса **5 396 нафарига** тиббий, ҳуқуқий маслаҳатлар ва психологик ёрдамлар кўрсатилди.

Ҳурматли йиғилиш иштирокчилари!

Давлатимиз раҳбарининг қарор ва фармонлари белгиланган топшириқлар бўйича 2024 йилда амалга ошириладиган муҳим вазифаларга тўхталиб ўтсам.

Биринчидан, иқтисодий соҳада амалга ошириладиган вазифалар:

- 2024 йилда Ялпи ҳудудий маҳсулот **105,5 фоизга** (*25,7 трлн сўм*), саноат **107,2 фоизга** (*16,8 трлн сўм*), қишлоқ хўжалиги **103,5 фоизга** (*15,2 трлн сўм*), қурилиш ишлари **107,2 фоизга** (*4,5 трлн сўм*), жами хизматлар **118,3 фоизга** (*7,8 трлн сўм*) ўсишига эришиш;

- жорий йил якуни билан бюджет даромадлари **1 трлн 502,1 млрд.сўмга** бажарилиб, ўтган йилга нисбатан **120,5 фоизга** таъминлаш чораларини кўрилади.

- **2 минг 500 та** янги кичик бизнес субъектлари ташкил этилиб, соҳага **625 млрд сўмдан** ортиқ кредит йўналтирилади.

Аҳоли бандлигини таъминлаш дастури доирасида вилоят бўйича жами **142,9 минг нафар** аҳолини даромадли меҳнат билан бандлигини таъминланади. Жумладан, **доимий** иш ўринларида **31,4 минг нафар**, **мавсумий 89,0 минг нафар** ҳамда **вақтинчалик** ишларда **22,5 минг нафар** ташкил этади.

Оилавий тадбиркорлик дастурлари доирасида **471,1 млрд сўм** кредит ажратилади.

Хизматлар соҳасини ривожлантириш бўйича қиймати **547 млрд сўмлик 1 800 та** янги лойиҳалар амалга оширилади.

2024 йилда хусусийлаштириш дастурларига асосан **71 та** давлат активларини сотиш ҳисобига хусусийлаштирилади.

Тадбиркорлик ва шаҳарсозлик мақсадида майдони **37,5 гектар** бўлган жами **987 та** ер майдонлари савдога чиқарилади. Шундан, **3,8 гектар** ер участкалари нодавлат умумий ўрта таълим фаолиятини йўлга қўйиш мақсадида ташкил этилади.

Иккинчидан, инвестиция ва экспорт йўналишида жорий йилда **1,0 млрд долларлик** тўғридан-тўғри инвестициялар ва хорижий кредитлар ўзлаштирилади.

2024 йилда **366,2 млн доллар** (*107 фоиз*), шундан **334,7 млн доллар** саноат маҳсулотлари ва **31,5 млн доллар** мева сабзавот маҳсулотлари экспорти амалга оширилади.

Ҳудудий импортни **46,5 млн долларга** қисқартириш ва маҳаллий саноат ишлаб чиқариш ҳажмини **7 880 млрд сўм** ёки ўтган йилга нисбатан **108,2 фоизга** етказилади.

Маҳаллийлаштириш дастури бўйича **42 та 1,7 трлн сўмлик** лойиҳалар амалга оширилади.

Мазкур лойиҳаларни амалга ошириши натижасида **130 млн долларлик** импорт ўрнини босувчи маҳсулотлар ишлаб чиқарилади.

Учинчидан, қишлоқ хўжалигида **262,5 минг тн** пахта хом ашёси, **524,8 минг тн** буғдой етиштирилади.

Пахта ва ғалладан бўшаган **3,2 минг гектар** ер майдонлари аҳолига ижара ҳуқуқи асосида аукцион савдолари орқали берилади

Жорий йилда **250 км** канал ва ариқларни **бетонлаштириш**, **6,7 минг гектар** ер майдонларини **лазерли текислаш** ҳамда **11,4 минг гектарга** **томчилатиб** ва **ёмғирлатиб суғориш тенологиялари** жорий қилинади.

Фойдаланишдан чиққан **2,0 минг гектар** ерлар **оборотга** қайтарилади, **1 975 гектар** янги **токзорлар** барпо этилади.

Жорий йилда **28 868 гектар** ер майдонларни суғориш тизимлари яхшиланади.

Вилоятда сиғими **2,7 минг тонна 6 та** музлаткичли омбор ва **1 та** агрологистика маркази ташкил этилади.

Тўртинчидан, қурилишда 598,7 млрд сўмлик жами **63 та** ижтимоий соҳа (**17 та** мактаб, **4 та** мактабгача таълим муассасалари, **3 та** тиббиёт муассасалари, **2 та** спорт, **1 та** олий таълим, **1 та** ихтисослаштирилган мактаб) объектларида қурилиш, реконструкция ва мукаммал таъмирлаш, **3,7 км** ичимлик ва **5,0 км** иссиқлик тармоқлари тортиш, **124,6 км** ирригация тармоқлари ва **17,0 км** мелиорация объектлари, **13 км** автомобиль йўлларини реконструкция қилинади ва таъмирланади.

Аҳоли пунктларида **31,7 км** ичимлик сув тармоқлари тортилади, **187,1 км** маҳаллалардаги ички йўллари ва **9 та** кўприк таъмирланади.

Аҳолини **уй-жойга** бўлган эҳтиёжини қондириш мақсадида **1 208 хонадонга** эга **24 та** кўп қаватли уй-жойлар қурилади.

Дастурлар доирасида **15 млрд сўм** маблағ ҳисобига электр қурилмаларни барқарор ишлаши ҳамда истеъмолчиларни узлуксиз электр энергияси билан таъминлаш мақсадида, **2 670 км** электр тармоқлар жорий ва мукаммал таъмирлаш, **305,6 км** тармоқларни янгидан қуриш, **332 дона** трансформаторларни таъмирлаш ҳамда **85 дона** трансформаторларни ўрнатиш ишлари амалга оширилади.

2024 йил дастурлар доирасида **8,8 млрд сўм** маблағ ҳисобига газ тақсимлаш қурилмаларни барқарор ишлаши ҳамда истеъмолчиларни узлуксиз табиий газ билан таъминлаш мақсадида, **19,7 км** газ тармоқларини қурилади ҳамда **19,7 км** газ тармоқлари таъмирланади.

Вилоятда баҳор ва куз мавсумларида **“Яшил макон”** умуммиллий лойиҳаси доирасида жами **15 млн дона** мевали, манзарали дарахт ва бута кўчатлари экилади.

Санитар тозалаш хизматларини яхшилаш мақсадида ижтимоий соҳа объектларида қўшимча **381 та** чиқинди контейнерлари ўрнатилади.

Ушбу лойиҳалар доирасида **26 та** қўшимча махсус техника харид қилинади, шунингдек, маиший чиқиндиларни ташиб кетиш бўйича аҳолини қамров даражасини **100 фоизга**, қайта ишлаш даражасини **33 фоиздан 40 фоизга** етказилади.

Бешинчидан, мактаб битирувчиларини олий таълим муассасаларига ўқишга кириши **4130 нафарга** етказиш.

Соғлиқни сақлаш муассасаларидаги койкалар сони **3 511 тага** ошириш ва аҳоли қатновини **3,1 млн кишига** етказиш.

“Оғир” тоифага киритилган **4 448 нафар** ёшларни ижтимоий-иқтисодий масалаларини ҳал қилиш орқали ҳаёти яхшилаш.

Ишсиз ёшларни касб-ҳунар, замонавий касблар ва тадбиркорликка ўқитиш, субсидия, ер майдони ва кредитлар ажратиш орқали бандлиги таъминлаш.

2024 йилда “Ёшлар дафтари”га киритилган **8 497 нафар** ёшларга амалий ёрдам кўрсатилади.

Олтинчидан, Аёллар ўртасида жиноятчилик олдини олиш бўйича **320 га** яқин тарғибот ташвиқот тадбирлари олиб борилади.

“Аёллар дафтари”га киритиладиган **13 минг нафар** хотин қизларга зарур ёрдамлар кўрсатилади.

“Оқила аёллар ҳаракати” аъзолари ва кўча бошиларни кенг жалб қилган ҳолда **579 та** низоли оилаларда соғлом муҳитни барқарорлаштириш ҳамда миллий қадриятларга асосланган **1 000 га** яқин тарғибот-ташвиқот ишларини ташкил этилади.

Эрта турмуш ва эрта туғруқни олдини олишга қаратилган **2 мингдан** зиёд тарғибот, хотин-қизлар ўртасида соғлом турмуш тарзини тарғиб қилиш ҳамда спортни оммалаштириш борасида **1,3 мингга** яқин тадбирлар ўтказилади.

Профилактик ҳисобда турган **930 нафар** хотин-қизлар билан тарғибот-ташвиқот ишлари ташкил этилади ва уларнинг ижтимоий муаммоларини ҳал этиш чоралари кўрилади. Ҳимоя ордери тақдим этилган **150 нафар** хотин-қизларнинг низоли ҳолатлари бартараф этилиши таъминланади.

Еттинчидан, жорий йилда вилоятга ташриф буюрадиган хорижий туристлар сонини **56 минг кишига ҳамда** туризм экспортини **12,3 млн долларга** етказиш чораларини кўрсин.

Туризм соҳасига **5 та** йирик лойиҳани амалга ошириш учун **хорижий инвестиция** жалб этилади.

Маданият ва санъат соҳасида туман ва шаҳарларда **“Ватан фидойи фарзандларини унутмайди”** шиори остида маданий тадбирлар ташкил этилади.

2024 йил март ойида **“Eco-fashion week”** Халқаро фестивали, июл ойида **“Қовун сайли”** фестивали ўтказилади

Бундан ташқари, Ўзбекистон Вазирлар Маҳкамасининг 2023 йил 29 декабрдаги “Ўзбекистон – 2030” стратегиясини Сирдарё вилоятида сифатли ва ўз вақтида амалга ошириш чора-тадбирлари тўғрисида”ги 708/35 – сонли қарорида белгиланган вазифаларни ҳам ўз вақтида бажарилади.